



ASB 2

Bagi Tahun Kewangan Berakhir 31 Mac 2023

Pemegang Unit Amanah yang Dihormati,

PENERBITAN PROSPEKTUS INDUK TAMBAHAN KEDUA BERTARIKH 1 APRIL 2023

Notis ini adalah untuk memaklumkan kepada anda bahawa Prospektus Induk bertarikh 1 Februari 2020 (PI) dan Prospektus Induk Tambahan Pertama (PITP) bertarikh 20 Oktober 2021 telah dikemas kini melalui Prospektus Induk Tambahan Kedua yang bertarikh 1 April 2023 (PITKD). Kemas kini yang dilakukan di dalam PI dan PITP adalah seperti berikut:

- 1) Kemas kini definisi berkenaan "*Cooling-off Right*" dan "*Eligible Market*" di bawah "*Glosari Terma / Singkatan*";
- 2) Penambahan definisi berkenaan "*Distribution Channel*" di bawah "*Glosari Terma / Singkatan*";
- 3) Kemas kini berkenaan "*Had dan Sekatan Pelaburan*" di bawah "*Informasi Tabung*";
- 4) Kemas kini berkenaan "*Komisen Ringan*" di bawah "*Fi, Caj dan Perbelanjaan*";
- 5) Kemas kini berkenaan "*Pembelian Dana/ Pelaburan Permulaan Minimum / Pelaburan Penambahan dan Pelaburan Maksimum*", "*Jualan Balik Dana*" dan "*Pelaburan Balik bagi Dana Berubah-Ubah*" di bawah "*Butir-butir Transaksi*";
- 6) Kemas kini berkenaan "*Tempoh Bertenang*" untuk memberi kejelasan dan kefahaman yang lebih baik kepada Pemegang Unit di bawah "*Informasi Tambahan*";
- 7) Kemas kini berkenaan "*Hebahan Maklumat kepada Pemegang Unit*" di bawah "*Informasi Tambahan*";
- 8) Penambahan berkenaan "*Situasi-situasi Penamatan*" bagi Dana Unit Amanah di bawah "*Informasi Tambahan*";
- 9) Senarai surat ikatan tambahan yang telah dikemas kini di bawah "*Senarai Surat Ikatan yang dimeterai antara Pengurus dan Pemegang Amanah*";
- 10) Maklumat mengenai pelantikan baharu Encik Muzzaffar bin Othman sebagai Ahli Lembaga Pengarah ASNB di bawah "*Latar Belakang Pengurus*";
- 11) Kemas kini profil pengurus bagi Dana Unit Amanah di bawah "*Pengurus Pelaburan bagi Dana Unit Amanah*";
- 12) Kemas kini berkenaan "*Hak dan Liabiliti bagi Pemegang Unit*" di bawah "*Terma-terma Penting bagi Surat Ikatan*";
- 13) Kemas kini berkenaan "*Mesyuarat Secara Maya bagi Pemegang Unit*" di bawah "*Mesyuarat Pemegang Unit*";
- 14) Kemas kini berkenaan "*Pengecualian dan Variasi*" yang diluluskan oleh Suruhanjaya Sekuriti Malaysia untuk Dana Harga Tetap dan Dana Harga Berubah-Ubah di bawah "*Kelulusan dan Syarat*";
- 15) Kemas kini pernyataan berkenaan "*Transaksi Pihak Berkaitan yang Berpotensi dan Sedia Ada*" di bawah "*Transaksi Pihak Berkaitan / Konflik Kepentingan*";
- 16) Penambahan berkenaan "*Konflik Kepentingan*" di bawah "*Transaksi Pihak Berkaitan / Konflik Kepentingan*";
- 17) Kemas kini pernyataan berkenaan "*Polisi Pengurusan Konflik Kepentingan*" di bawah "*Transaksi Pihak Berkaitan / Konflik Kepentingan*"; dan
- 18) Kemas kini senarai ejen ASNB.

Notis ini adalah untuk pemberitahuan sahaja dan tidak memerlukan tindakan susulan anda. Kami memberi jaminan bahawa pindaan ini tidak akan menjejaskan kepentingan anda sebagai Pemegang Unit, dan objektif serta strategi pelaburan tabung unit amanah juga kekal sama. PITKD ini boleh diperolehi di laman web ASNB di www.asnb.com.my. Jika anda mempunyai sebarang pertanyaan mengenai notis ini, sila hubungi pusat panggilan ASNB di 03-7730 8899 atau e-mel kami di asnbcare@pnb.com.my.

ISI KANDUNGAN

1. MAKLUMAT TABUNG	1
2. PRESTASI TABUNG	3
3. LAPORAN PENGURUS	7
4. PENYATA PENGURUS	14
5. PENYATAAN PEMEGANG AMANAH	15
6. LAPORAN JURUAUDIT BEBAS KEPADA PEMEGANG-PEMEGANG UNIT ASB 2	16
7. PENYATA KEWANGAN	18
7.1 Penyata Untung Atau Rugi Bagi Tahun Kewangan Berakhir 31 Mac 2023	18
7.2 Penyata Pendapatan Komprehensif Bagi Tahun Kewangan Berakhir 31 Mac 2023	19
7.3 Penyata Aliran Tunai Bagi Tahun Kewangan Berakhir 31 Mac 2023	20
7.4 Nota-Nota Berkenaan Penyata Kewangan – 31 Mac 2023	21
8. ALAMAT CAWANGAN ASNB	32

LAPORAN PENGURUS
AMANAH SAHAM BUMIPUTERA 2,
(ASB 2)



ASB 2

Pemegang-pemegang unit ASB 2 yang dihormati,

AmanahRaya Trustees Berhad (ART) selaku Pemegang Amanah dan Amanah Saham Nasional Berhad (ASNB) selaku Pengurus ASB 2 dengan sukacitanya membentangkan Laporan Tahunan ASB 2 bagi tahun kewangan berakhir 31 Mac 2023.

1. MAKLUMAT TABUNG

1.1 KATEGORI / JENIS TABUNG

Nama Tabung	Kategori	Jenis Tabung
Amanah Saham Bumiputera 2, (ASB 2)	Aset Campuran	Pendapatan

1.2 OBJEKTIF PELABURAN TABUNG

Objektif pelaburan ASB 2 adalah untuk menjana pulangan jangka panjang yang konsisten di samping memastikan pengelakan modal pemegang unit dengan menyertai pelaburan di dalam portfolio aset campuran.

Nota: ASB 2 bukan dana modal terjamin mahupun modal terlindung mengikut definisi Garis Panduan Dana Unit Amanah.

1.3 PENANDA ARAS TABUNG

ASB 2 menggunakan penanda aras Kadar Deposit Tetap Maybank 12 bulan (Maybank 12 bulan) bagi tujuan perbandingan prestasinya.

Sumber: www.maybank2u.com.my

1.4 POLISI PENGAGIHAN PENDAPATAN

ASB 2 akan mengagihkan perolehan daripada pendapatannya, jika ada, tertakluk kepada budi bicara pihak pengurusan dan kelulusan daripada pemegang amanah.

1.5 PEGANGAN UNIT

Pada 31 Mac 2023, seramai 513,244 individu telah menyertai ASB 2. Saiz pegangan unit adalah seperti berikut:

Saiz Pegangan	Pemegang Unit		Unit Dilanggan	
	Bilangan	%	Unit	%
5,000 dan ke bawah	395,029	76.97	146,383,723.37	1.19
5,001 hingga 10,000	16,952	3.30	120,447,547.34	0.98
10,001 hingga 50,000	36,130	7.04	856,490,145.01	6.95
50,001 hingga 500,000	65,101	12.68	11,178,630,074.55	90.72
500,001 dan ke atas	32	0.01	20,123,510.51	0.16
JUMLAH	513,244	100.00	12,322,075,000.78	100.00

2. PRESTASI TABUNG

2.1 PERUMPUKAN ASET

A. Perumpukan Aset Bagi ASB 2 Mengikut Sektor pada Nilai Pasaran berdasarkan Nilai Aset Bersih (NAB) Tabung:

Sektor	Pada Tahun Kewangan Berakhir 31 Mac (%)		
	2023	2022	2021
Pelaburan di Pasaran Ekuiti:			
Perkhidmatan Komunikasi	2.76	8.90	8.14
Barangan Bukan Asasi Pengguna	3.68	4.08	2.53
Barangan Asasi Pengguna	6.47	8.22	9.96
Tenaga	3.29	3.26	3.30
Kewangan	25.74	24.27	21.61
Penjagaan Kesihatan	2.14	2.59	6.24
Perindustrian	9.99	10.37	7.98
Teknologi Maklumat	5.76	6.46	3.29
Bahan Asas	3.17	2.71	2.46
Hartanah	8.26	7.42	3.57
Utiliti	14.45	8.05	9.00
Jumlah	85.71	86.33	78.08
Lain-lain Pelaburan di Pasaran Modal:			
a) Pelaburan di dalam Unit Amanah dan Dana Didagangkan Bursa (ETF)	1.68	1.47	0.62
b) Sekuriti Berpendapatan Tetap	8.16	6.74	8.85
c) Lain-lain Pelaburan dan Aset Bersih	4.45	5.46	12.45
Jumlah	100.00	100.00	100.00

B. Senarai 20 Pelaburan Terbesar dari segi Peratusan Nilai Pasaran Berbanding dengan NAB Tabung:

Bil.	Syarikat	% Daripada Nilai Aset Bersih Tabung
1	Malayan Banking Berhad	9.37
2	CIMB Group Holdings Berhad	5.60
3	Tenaga Nasional Berhad	4.16
4	Sime Darby Plantation Berhad	3.97
5	Public Bank Berhad	3.32
6	Petronas Gas Berhad	2.83
7	CelcomDigi Berhad	2.72
8	Aspac Lubricants (Malaysia) Sdn. Berhad	2.34
9	PNB REAL ESTATE 1 LLC USD	2.22
10	Hong Leong Bank Berhad	1.97
11	Telekom Malaysia Berhad	1.54
12	PNB REAL ESTATE 1 LLC EUR	1.44
13	MISC Berhad	1.42
14	Maxis Berhad	1.40
15	Gamuda Berhad	1.38
16	PNB CAPITAL LLC	1.36
17	Petronas Dagangan Berhad	1.21
18	IHH Healthcare Berhad	1.19
19	Petronas Chemicals Group Berhad	1.09
20	Press Metal Berhad	0.90

Nota : Bagi perkara (B) di atas, senarai lengkap pelaburan akan disediakan atas permintaan pemegang unit.

2.2 MAKLUMAT KEWANGAN

Perbandingan Prestasi Maklumat Kewangan:

Selepas Pengagihan Pendapatan	Tahun Kewangan Berakhir 31 Mac		
	2023	2022	2021
Unit Dalam Edaran (Juta)	12,420.10	11,964.68	11,487.68
Kadar Pengagihan Pendapatan (sen seunit)	5.00	4.30	4.25
Jumlah Pengagihan (RM Juta)	610.48	506.06	482.01
Tarikh Pengagihan Pendapatan	1 April 2023	1 April 2022	1 April 2021
Nisbah Perbelanjaan Pengurusan (%) ¹	0.48	0.54	0.28
Nisbah Pusing Ganti Portfolio (kali)²	0.23	0.48	0.38

Nota:

1. Nisbah Perbelanjaan Pengurusan (NPP) adalah nisbah di antara jumlah bayaran pengurusan dan perbelanjaan ASB 2 yang dikembalikan dengan purata NAB pada kos ASB 2 untuk tahun kewangan dikira berpandukan asas harian. Perubahan antara NPP bagi tahun kewangan berakhir 31 Mac 2023 berbanding dengan tahun kewangan berakhir 31 Mac 2022 adalah tidak ketara.
2. Nisbah Pusing Ganti Portfolio (NPGP) adalah nisbah purata bagi jumlah kos pembelian dan penjualan pelaburan dalam tahun kewangan dengan purata NAB pada kos ASB 2 untuk tahun kewangan dikira berpandukan asas harian. Perubahan antara NPGP bagi tahun kewangan berakhir 31 Mac 2023 berbanding dengan tahun kewangan berakhir 31 Mac 2022 adalah ketara disebabkan oleh aktiviti dagangan yang rendah ekoran pasaran yang merudum.

2.3 PENGAGIHAN PENDAPATAN

Bagi tahun kewangan berakhir 31 Mac 2023, ASB 2 telah memperuntukkan sejumlah RM610,484,216 untuk pembayaran pengagihan pendapatan bersamaan dengan 5.00 sen seunit.

2.4 PURATA PULANGAN TAHUNAN

Purata pulangan tahunan bagi ASB 2 adalah seperti berikut:

	31 Mac 2023		
	1 tahun	3 tahun	5 tahun
Jumlah Purata Pulangan (%) ¹	5.00	4.52	4.86
Penanda Aras (%) ²	2.52	2.11	2.55

Sumber: Novagni Analytics and Advisory Sdn. Bhd.

Nota:

- Pengiraan Jumlah Purata Pulangan adalah seperti berikut:-
 - Pulangan 1 tahun = i_t
Di mana, i = pengagihan pendapatan ; t = tahun semasa
 - Pulangan 3 tahun = $\left[\frac{i_t+i_{t-1}+i_{t-2}}{3} \right]$
 - Pulangan 5 tahun = $\left[\frac{i_t+i_{t-1}+i_{t-2}+i_{t-3}+i_{t-4}}{5} \right]$
- Pengiraan penanda aras ialah berdasarkan kombinasi penanda aras yang baru dan lama di mana, bermula 1 Mei 2018, penanda aras Tabung ialah Kadar Depositi Tetap Maybank 12 bulan, manakala bagi tempoh sebelum 1 Mei 2018, penanda aras ialah Purata Kadar Hasil MGS 5-tahun.

2.5 PERBANDINGAN PRESTASI TABUNG DENGAN PENANDA ARAS

Prestasi bagi ASB 2 berbanding penanda aras adalah seperti berikut:

	Tahun Kewangan Berakhir 31 Mac				
	2023	2022	2021	2020	2019
Jumlah Pulangan Tahunan (%) ¹	5.00	4.30	4.25	4.75	6.00
Penanda Aras (%) ²	2.52	1.85	1.95	3.04	3.37

Sumber: Novagni Analytics and Advisory Sdn. Bhd.

Nota:

- Merupakan pengagihan pendapatan bagi tahun tersebut.
- Pengiraan penanda aras ialah berdasarkan kombinasi penanda aras yang baru dan lama di mana, bermula 1 Mei 2018, penanda aras Tabung ialah Kadar Depositi Tetap Maybank 12 bulan, manakala bagi tempoh sebelum 1 Mei 2018, penanda aras ialah Purata Kadar Hasil MGS 5-tahun.

Sila ambil perhatian bahawa Pengurus tidak menjamin pulangan pelaburan. Pengagihan pendapatan jika dibayar mungkin turun atau naik. Prestasi Tabung masa lalu tidak semestinya mencerminkan prestasi masa hadapan.

2.6 PERUBAHAN SIGNIFIKAN TABUNG

Tiada perubahan signifikan sepanjang tahun kewangan berakhir 31 Mac 2023.

2.7 SITUASI YANG MENJEJASKAN KEPENTINGAN PEMEGANG UNIT

ASNB dan ASB 2 tidak mengalami situasi-situasi yang boleh menjejaskan kepentingan pemegang unit.

2.8 DAGANGAN SILANG

Sepanjang dalam tempoh tinjauan, transaksi dagangan silang dijalankan bagi ASB 2. Transaksi tersebut dijalankan tertakluk kepada Garis Panduan bagi Fungsi Pematuhan kepada Institusi Pengurusan Dana "Guidelines on Compliance Function for Fund Management Companies". Pengurus Pelaburan perlu mendapatkan kelulusan Jawatankuasa Pelaburan sebelum melakukan transaksi dagangan silang dan menyimpan rekod transaksi serta memaklumkan Jawatankuasa Pelaburan selepas pelaksanaan transaksi tersebut.

2.9 KOMISEN RINGAN

ASNB dan Pengurus Pelaburan tabung unit amanahnya tidak menerima komisen ringan daripada broker dan/atau wakil urusniaga yang dikendalikan untuk unit amanah.

3. LAPORAN PENGURUS

3.1 PENCAPAIAN OBJEKTIF

ASB 2 ("Tabung") telah berupaya mencapai objektif pelaburannya dalam menjana pulangan jangka panjang yang konsisten kepada pemegang-pemegang unit untuk tahun kewangan berakhir 31 Mac 2023.

3.2 POLISI PELABURAN

Polisi pelaburan Tabung adalah untuk melabur dalam portfolio kelas aset yang pelbagai terutamanya sekuriti yang disenaraikan di Bursa Malaysia dan di bursa-bursa antarabangsa, sekuriti yang tidak disenaraikan, sekuriti berpendapatan tetap dan instrumen pasaran wang seperti yang dibenarkan dalam Surat Ikatan Tabung. Tabung boleh melabur sehingga 90% daripada Nilai Tabung (Value of Fund) dalam ekuiti dan selebihnya dalam sekuriti berpendapatan tetap dan instrumen pasaran wang termasuk aset mudah tunai. Walau bagaimanapun, Tabung boleh mengambil strategi defensif mengikut kesesuaian pasaran. Tabung juga dibenarkan untuk melabur dalam pasaran antarabangsa. Namun begitu, pelaburan tersebut adalah bergantung kepada keadaan pasaran, pergerakan mata wang di samping perubahan asas ekonomi serta kestabilan sosial dan politik sesebuah negara.

3.3 STRATEGI PELABURAN SEPANJANG TAHUN

Bagi tahun kewangan berakhir 31 Mac 2023, strategi pelaburan Tabung telah dilaksanakan dengan mengambil kira faktor-faktor ekonomi dan prestasi pasaran modal domestik dan antarabangsa. Sepanjang tempoh tersebut, prestasi pasaran modal adalah sangat mencabar, berikutan kenaikan kadar faedah oleh bank-bank pusat antarabangsa, termasuk Bank Negara Malaysia (BNM) untuk menangani risiko inflasi, gangguan rantaian bekalan dunia dan konflik geopolitik antara Rusia dan Ukraine yang menyebabkan peningkatan mendadak serta ketidaktentuan harga komoditi utama dunia. Walau bagaimanapun, faktor-faktor luaran lain seperti pembukaan semula sempadan antarabangsa telah memberikan sedikit sokongan kepada sentimen pasaran modal. Sehubungan dengan itu, strategi pelaburan Tabung telah dilaksanakan dengan perumpukan aset antara ekuiti domestik dan antarabangsa, serta sekuriti berpendapatan tetap dan instrumen pasaran wang yang difikirkan wajar dan mampu memberi pulangan yang kompetitif bagi memastikan objektif Tabung tercapai.

i. Ekuiti

Dalam persekitaran pasaran saham yang mencabar bagi pasaran domestik dan antarabangsa, pelaburan Tabung dalam ekuiti telah dilakukan secara selektif dalam sektor-sektor dan saham-saham syarikat yang mempunyai kedudukan kewangan yang kukuh, prospek perniagaan yang mampan, dan juga kurang dipengaruhi oleh ketidaktentuan ekonomi dan pasaran saham tempatan dan antarabangsa. Di samping itu, Pengurus Pelaburan juga mencari peluang untuk mengaut keuntungan melalui aktiviti jual beli saham-saham secara aktif dalam keadaan pasaran saham yang mengalami kemerupaan.

a. Domestik

Selain tumpuan kepada pelaburan ekuiti domestik dalam sektor-sektor dan saham-saham syarikat yang mempunyai asas yang kukuh dan prospek perniagaan yang cerah, Tabung turut memberi penekanan kepada sektor-sektor dan saham-saham yang mempunyai pulangan dividen yang tinggi bagi mengekalkan prestasi Tabung dalam keadaan ekonomi dan pasaran yang tidak menentu dan mencabar. Antara sektor-sektor yang menjadi tumpuan adalah sektor Kewangan, Hartanah, dan Barangan Asasi Pengguna terutamanya Perladangan. Di samping itu, Pengurus Pelaburan juga mencari peluang untuk menjual saham-saham yang diniagakan di atas paras harga wajar untuk menjana pulangan modal untuk membantu meningkatkan prestasi dan pulangan Tabung.

b. Antarabangsa

Tabung telah membuat pelaburan dalam pasaran ekuiti antarabangsa sehingga 17% daripada NAB dalam usaha menjana pulangan yang lebih kompetitif dan mempelbagaikan risiko. Pelaburan di pasaran saham antarabangsa dipelbagaikan ke beberapa pasaran utama dunia, seperti pasaran saham Amerika Syarikat, Kesatuan Eropah (EU) dan juga Asia. Pelaburan antarabangsa juga ditumpukan kepada sektor Tenaga, Bahan Asas, Komoditi dan Barangan Asasi Pengguna yang mendapat keuntungan dari kadar inflasi yang tinggi serta kurang dipengaruhi oleh ketidaktentuan ekonomi.

ii. Sekuriti Berpendapatan Tetap dan Wang Tunai

Sepanjang tahun kewangan berakhir 31 Mac 2023, Tabung telah berusaha untuk mempelbagaikan aset Tabung melalui pelaburan dalam sekuriti berpendapatan tetap berdasarkan pulangan yang bersesuaian dengan risiko kredit bagi setiap terbitan. Pelaburan sekuriti berpendapatan tetap yang dilakukan lebih tertumpu di dalam sekuriti kerajaan iaitu Malaysian Government Securities (MGS) dan Government Investment Issues (GI). Strategi pelaburan dalam MGS dan GI ini adalah lebih kepada penjanaaan keuntungan daripada aktiviti jual beli kerana bon terbitan kerajaan Malaysia mempunyai kecairan yang lebih tinggi dijangka akan mendapat manfaat kenaikan harga, ekoran risiko kemelesetan ekonomi antarabangsa.

Pelaburan juga dibuat dalam bon korporat yang menjana kupon yang lebih tinggi dalam usaha memberikan pendapatan yang kompetitif kepada Tabung. Pelaburan tambahan telah dilakukan dalam sektor Kewangan, Tenaga dan Utiliti yang mempunyai tempoh matang antara 3 sehingga 10 tahun. Sektor-sektor ini dilihat mempunyai prestasi kewangan yang kukuh selaras dengan risiko kredit yang diambil oleh Pengurus Pelaburan. Purata kadar hasil bagi pegangan portfolio sekuriti-sekuriti berpendapatan tetap adalah 4.40% dengan purata tempoh matang portfolio selama 5.8 tahun, manakala purata penarafan kredit adalah "AA2".

Selain sekuriti berpendapatan tetap kerajaan Malaysia, Tabung turut melabur di dalam pasaran sekuriti berpendapatan tetap antarabangsa dalam usaha menjana pulangan yang kompetitif kepada Tabung. Pelaburan ini adalah lebih bersifat taktikal, bagi menjana pulangan tambahan ke atas tunai antarabangsa melalui hasil jual beli. Antara pelaburan bon antarabangsa yang menjadi keutamaan adalah di dalam pasaran negara maju terutamanya sekuriti kerajaan Amerika Syarikat yang mempunyai tahap kecairan dan kedalaman pasaran yang tinggi. Pada masa yang sama, pantauan terhadap pasaran dan sektor berpendapatan tetap lain juga dilakukan sebagai pertimbangan pelaburan, terutama yang mampu memberikan kadar hasil yang lebih tinggi ke atas sekuriti kerajaan Amerika Syarikat di mana ia dapat menambah baik profil pulangan Tabung.

Di samping itu, pelaburan Tabung juga dibuat dalam pasaran wang bagi membolehkan Tabung memiliki kecairan yang mencukupi bagi memasuki pasaran saham tempatan dan antarabangsa pada masa yang bersesuaian, seiring dengan perumpukan aset aktif.

3.4 ULASAN EKONOMI DAN PASARAN SAHAM

Bagi tahun kewangan berakhir 31 Mac 2023, pasaran saham antarabangsa mempamerkan prestasi yang lemah disebabkan oleh kadar inflasi global yang tinggi akibat peningkatan harga minyak dan gas serta komoditi-komoditi di seluruh dunia ekoran konflik geopolitik antara Rusia dan Ukraine. Selain itu, situasi inflasi dunia juga telah diburukkan lagi oleh gangguan rantaian bekalan disebabkan oleh dasar sifar COVID-19 di China. Ini telah mendesak bank-bank pusat antarabangsa untuk mengetatkan dasar monetari secara agresif bagi mengawal inflasi. Oleh yang demikian, kadar pertumbuhan ekonomi dunia telah disepak lebih rendah. Pada separuh akhir tahun kewangan, China telah membuka semula ekonomi negaranya namun kesan pembukaan semula itu kurang memberangsangkan dari yang dijangka. Krisis perbankan yang melanda Silicon Valley Bank (SVB) dan juga Credit Suisse pada suku akhir tahun kewangan juga telah memberi kesan negatif terhadap sentimen para pelabur.

Indeks komposit utama antarabangsa seperti MSCI ACWI Islamic telah mencatatkan penurunan sebanyak -5.70%. Penurunan ketara dalam tempoh tinjauan dengan prestasi terendah telah dicatat oleh Taiwan (TWSE, -10.32%), diikuti oleh Korea Selatan (KOSPI, -10.18%) dan Amerika Syarikat (S&P 500, -9.29%). Pasaran lain di rantau ASEAN turut mendapat tempias daripada pergolakan ekonomi antarabangsa dengan prestasi terendah dicatatkan oleh Filipina (PSEI, -9.77%), diikuti oleh Thailand (SET, -5.08%) dan Singapura (STI, -4.39%).

Bagi pasaran saham domestik, penanda aras utama domestik iaitu Indeks Komposit FTSE Bursa Malaysia Kuala Lumpur (FBM KLCI) telah mencatatkan penurunan sebanyak -10.38% daripada paras 1,587.36 mata pada 31 Mac 2022 kepada paras 1,422.59 mata pada 31 Mac 2023. Paras tertinggi indeks adalah pada 8 April 2022 dengan paras 1,607.29 mata dan paras terendah pada 13 Oktober 2022 dengan paras 1,373.36 mata. Sentimen para pelabur di pasaran saham tempatan dipengaruhi oleh kebimbangan para pelabur

terhadap risiko inflasi, pergerakan harga komoditi yang tidak menentu, dan gangguan rantaian bekalan dunia.

Sektor yang mencatatkan kenaikan tertinggi dalam tempoh tinjauan adalah sektor Tenaga (+16.64%), diikuti oleh sektor Utiliti (+6.46%). Prestasi positif sektor Tenaga telah didorong oleh peningkatan harga minyak dan gas berikutan gangguan bekalan minyak mentah ekoran perang di antara Rusia dan Ukraine. Sektor Utiliti pula dianggap sebagai sektor yang defensif dalam mengharungi keadaan pasaran modal yang mencabar. Sementara itu, sektor yang mencatatkan penurunan terbesar adalah sektor Teknologi Maklumat (-19.06%) diikuti oleh sektor Penjagaan Kesihatan (-16.79%). Prestasi negatif sektor Teknologi Maklumat adalah berikutan kebimbangan para pelabur terhadap kemerosotan permintaan produk-produk semikonduktor disebabkan oleh jangkaan kemelesetan ekonomi dunia yang akan berlaku pada awal tahun 2023. Manakala, prestasi negatif sektor Penjagaan Kesihatan adalah disebabkan oleh normalisasi permintaan dan harga jualan purata sarung tangan getah yang menurun disebabkan oleh permintaan terhadap sarung tangan getah yang merudum pasca COVID-19. Antara saham-saham FBM KLCI yang telah mencatatkan peningkatan ketara dalam tempoh tinjauan adalah CELCOMDIGI (+15.23%), Maxis (+9.85%) dan Petronas Dagangan (+7.85%). Sementara itu, saham-saham FBM KLCI yang telah mencatatkan penurunan paling ketara adalah Hartalega (-67.29%), Top Glove (-62.24%) dan Mr DIY (-31.85%).

Keluaran Dalam Negara Kasar (KDNK) Malaysia pada suku keempat 2022 telah meningkat sebanyak +7.0% hasil daripada kesan positif pakej bantuan dan rangsangan ekonomi yang mendorong kepada perbelanjaan rakyat. Pertumbuhan suku keempat 2022 turut disokong oleh pelaksanaan langkah Bajet 2022 serta kesan peralihan kepada fasa endemik yang mendorong aktiviti ekonomi dan sosial yang lebih rancak yang mendorong pertumbuhan sektor perkhidmatan sebanyak 8.9%. Secara keseluruhan, prestasi ekonomi Malaysia meningkat sebanyak 8.7% pada tahun 2022 berbanding 3.1% pada tahun sebelumnya yang merupakan pertumbuhan tahunan tertinggi yang dicatatkan dalam tempoh 22 tahun (sebelum ini pada tahun 2000: 8.9%).

Nilai mata wang Ringgit Malaysia telah merosot sebanyak -5.04% dan ditutup pada paras RM4.4152/USD pada 31 Mac 2023 berbanding RM4.2035/USD pada 31 Mac 2022. Dalam tempoh tinjauan, Ringgit Malaysia telah didagangkan pada paras tertinggi RM4.2035/USD pada 31 Mac 2022, manakala paras terendah adalah RM4.7480/USD pada 4 November 2022. Lembaga Rizab Persekutuan Amerika Syarikat (Federal Reserve Board) telah menaikkan kadar faedah rizab persekutuan secara agresif dalam masa yang singkat pada tahun 2022 untuk menangani krisis kadar inflasi yang tinggi. Keadaan ini menyebabkan para pelabur lebih berminat untuk menyimpan deposit dalam mata wang USD, seterusnya meningkatkan nilai mata wang USD kepada paras yang lebih tinggi, justeru mendorong kepada penurunan nilai mata wang Ringgit Malaysia.

3.5 ULASAN PASARAN WANG, SEKURITI BERPENDAPATAN TETAP DAN KADAR KEUNTUNGAN

Ekonomi negara-negara maju terus menghadapi inflasi yang tinggi berikutan aktiviti pembukaan semula ekonomi pasca pandemik yang berlaku secara tidak sekata antara negara-negara utama dunia. Kesan inflasi lebih dirasakan di Eropah disebabkan oleh peningkatan mendadak harga tenaga akibat daripada perang Rusia-Ukraine; dan di Amerika Syarikat di mana ketidakseimbangan dalam pasaran buruh telah menyumbang kepada inflasi upah (wage inflation). Dalam usaha untuk mengurangkan inflasi, kenaikan kadar faedah dasar kekal sebagai alat monetari pilihan bank pusat, di mana dalam tahun kewangan berakhir 31 Mac 2023, Lembaga Rizab Persekutuan Amerika Syarikat (Federal Reserve Board) telah meningkatkan kadar faedah rizab persekutuan daripada 0.50% kepada 5.00% manakala Bank of England (BOE) dan European Central Bank (ECB) masing-masing juga telah menaikkan kadar faedah dasar, daripada 0.75% kepada 4.25% dan daripada 0% kepada 3.50%.

Bagi tahun kewangan berakhir 31 Mac 2023, BNM turut menaikkan kadar faedah selari dengan bank-bank pusat dunia terutamanya Amerika Syarikat. Kadar Dasar Semalaman (Overnight Policy Rate, OPR) telah dinaikkan sebanyak empat kali oleh BNM (sebanyak 25 mata asas pada bulan Mei, Julai, September dan November 2022) daripada 1.75% kepada 2.75%. Walau bagaimanapun, dasar monetari masih kekal akomodatif terhadap pertumbuhan ekonomi domestik. Kegiatan ekonomi yang meningkat dengan pembukaan semula ekonomi domestik dan global serta keadaan pasaran pekerja yang bertambah baik terus menyokong momentum pertumbuhan ekonomi yang positif. Selari dengan peningkatan Kadar OPR, kadar simpanan tetap Maybank 12 bulan turut naik sebanyak 100 mata asas daripada 1.85% kepada 2.85%.

Kadar hasil MGS turut meningkat selari dengan peningkatan kadar faedah. Di samping itu, kerajaan Malaysia juga telah mengekalkan terbitan MGS untuk membiayai perbelanjaan fiskal kerajaan. Secara keseluruhannya, kadar hasil MGS 3-tahun, 5-tahun dan 10-tahun telah ditutup lebih tinggi pada 3.33%, 3.57% dan 3.92%, masing-masing naik sebanyak 14, 9 dan 8 mata asas bagi tempoh 12 bulan.

Kadar hasil sekuriti bon korporat bertaraf AA2 berjangka 3 sehingga 10 tahun telah mencatatkan kenaikan kadar hasil antara 17 sehingga 59 mata asas. Sepanjang tahun 2022, jumlah terbitan bon korporat telah mencatatkan peningkatan sebanyak 14% berbanding tahun lepas, bersamaan RM130 bilion. Secara keseluruhannya, 60% penerbitan bon korporat adalah bertaraf AAA, 32% bertaraf AA dan 8% bertaraf A. Sektor Utiliti telah menerbitkan jumlah bon korporat terbesar (30%), diikuti oleh sektor Kewangan (24%) dan sektor Hartanah (11%).

3.6 STRATEGI PELABURAN PADA MASA HADAPAN

Bagi tahun kewangan berakhir 31 Mac 2024, Pengurus Pelaburan menjangkakan pasaran modal tempatan dan global akan terus mencabar, dipengaruhi oleh kemerosotan pertumbuhan ekonomi yang dijangka berlaku di negara-negara maju terutamanya di Amerika Syarikat dan Kesatuan Eropah (EU). Tabung Kewangan Antarabangsa (IMF) mengunjurkan kadar pertumbuhan ekonomi dunia pada tahap 2.8% untuk tahun 2023 dan 3.0% untuk tahun 2024 berbanding 3.4% bagi tahun 2022, didorong oleh ketegangan konflik geopolitik yang berlarutan di Eropah, gangguan rantaian bekalan dunia dan kenaikan

kadar faedah di Amerika Syarikat yang terus memberi tekanan terhadap pasaran hutang di seluruh dunia. Selain itu, terdapat juga risiko ketegangan geopolitik di antara Amerika Syarikat dan China yang boleh menyebabkan perang dagangan semakin meruncing di antara dua negara tersebut. Selain dari faktor luaran, pasaran tempatan turut dipengaruhi oleh risiko pengurangan permintaan tempatan berikutan kadar inflasi yang semakin membimbangkan. Hal ini boleh meningkatkan kos sara hidup dan memberi tekanan terhadap keupayaan berbelanja rakyat.

Bagi mengatasi cabaran-cabaran tersebut, Tabung akan memberi tumpuan dalam kepelbagaian portfolio meliputi kelas-kelas aset seperti ekuiti, hartanah, sekuriti berpendapatan tetap dan wang tunai.

i. Ekuiti

a. Domestik

Pelaburan ekuiti domestik akan dilakukan secara selektif, tertumpu kepada sektor-sektor yang mempunyai asas perniagaan yang kukuh disamping memberikan pulangan dividen yang stabil.

Sektor-sektor yang diberi tumpuan adalah sektor Produk Pengguna yang berciri defensif serta konsisten dalam pembayaran dividen, serta sektor Perladangan berikutan jangkaan permintaan minyak sawit mentah yang kekal pada tahap yang tinggi. Tabung juga akan menumpukan pelaburan kepada sektor Kewangan yang dijangka mendapat manfaat dari kadar faedah yang tinggi serta kerancakan aktiviti ekonomi yang mampu menambah baik pertumbuhan pinjaman dan pembiayaan. Selain itu, Tabung akan menilai semula pelaburan dalam sektor-sektor seperti Tenaga yang dijangka mendapat manfaat dari peningkatan perbelanjaan Petronas dan syarikat-syarikat minyak gergasi seluruh dunia.

Pengurus Pelaburan juga akan mengambil strategi taktikal dalam keadaan pasaran saham yang mengalami kemeruapan untuk menjana keuntungan daripada penjualan saham.

b. Antarabangsa

Pengurus Pelaburan akan melabur dalam pasaran ekuiti antarabangsa yang akan dilaksanakan secara berhemah dan berperingkat mengikut kesesuaian keadaan ekonomi global dan kadar tukaran mata wang asing. Pelaburan antarabangsa akan dilakukan secara selektif, berdasarkan geografi yang ditentukan setelah membuat pertimbangan mengenai aliran geopolitik dan dagangan sedunia.

Pelaburan antarabangsa akan ditumpukan kepada sektor-sektor yang mempunyai prospek perniagaan yang cerah dan kadar pertumbuhan pendapatan yang baik serta yang kurang terjejas oleh kemelesetan ekonomi dunia seperti sektor Produk Pengguna dan sektor Penjagaan Kesihatan. Pengurus Pelaburan juga akan memberi perhatian kepada industri kenderaan elektrik dan teknologi tenaga hijau, yang mendapat manfaat dari

usaha berterusan negara-negara di seluruh dunia untuk mencapai kadar sifar karbon di masa hadapan.

ii. Sekuriti Berpendapatan Tetap dan Wang Tunai

Pelaburan dalam sekuriti berpendapatan tetap dibuat dengan pemilihan instrumen-instrumen yang bermutu setelah mengambil kira faktor-faktor seperti perolehan, kecairan, tempoh matang dan juga kupon yang berpatutan dengan risiko yang ditanggung oleh Tabung.

Pengurus Pelaburan akan memberi tumpuan kepada pelaburan sekuriti berpendapatan tetap ekoran kenaikan kadar hasil yang ketara yang menjadikannya instrumen pelaburan yang lebih menarik. Pelaburan akan tertumpu kepada bon korporat yang menjana kupon yang lebih tinggi berbanding penanda aras, dengan mensasarkan syarikat-syarikat yang mempunyai asas kewangan yang kukuh dan stabil dalam usaha memberikan pendapatan yang kompetitif kepada Tabung. Strategi pelaburan di dalam sekuriti kerajaan, seperti MGS dan GII adalah lebih tertumpu kepada penjana keuntungan modal kerana bon terbitan kerajaan Malaysia mempunyai kecairan lebih tinggi berbanding bon korporat.

Di samping itu, pelaburan pasaran wang akan diteruskan bagi memastikan kecairan yang mencukupi untuk memasuki pasaran saham tempatan dan antarabangsa pada masa yang bersesuaian.

4. PENYATA PENGURUS

Kepada Pemegang-pemegang Unit

AMANAH SAHAM BUMIPUTERA 2

Kami, sebagai Pengarah kepada AMANAH SAHAM NASIONAL BERHAD, iaitu Pengurus kepada AMANAH SAHAM BUMIPUTERA 2 ("Unit Amanah"), dengan ini menyatakan bahawa pada pendapat Pengurus, penyata kewangan bagi Unit Amanah bagi tahun kewangan berakhir 31 Mac 2023, berserta dengan nota-nota yang dikepilkkan padanya telah disediakan dengan wajar menurut Piawaian Laporan Kewangan Malaysia yang telah diubahsuai mengikut spesifikasi khusus yang ditetapkan oleh Suruhanjaya Sekuriti Malaysia seperti yang dinyatakan pada nota 2 laporan penyata kewangan dan Garis Panduan Tabung Unit Amanah Suruhanjaya Sekuriti berkenaan di Malaysia, setelah mengambil kira pengecualian yang telah diberikan kepada Unit Amanah bagi memberikan gambaran yang benar dan saksama mengenai kedudukan kewangan Unit Amanah pada 31 Mac 2023, dan keputusan serta aliran tunai bagi tahun kewangan berakhir pada tarikh tersebut.

Ditandatangani bagi pihak AMANAH SAHAM NASIONAL BERHAD selaku Pengurus kepada Unit Amanah, menurut resolusi para Pengarah bertarikh 10 Mei 2023.

AHMAD ZULQARNAIN BIN CHE ON
Pengarah

MUZZAFFAR BIN OTHMAN
Pengarah

Kuala Lumpur, Malaysia

10 Mei 2023

5. PENYATAAN PEMEGANG AMANAH

Kepada para pemegang unit **AMANAH SAHAM BUMIPUTERA 2** ("Tabung")

Kami telah bertindak selaku Pemegang Amanah Tabung bagi tahun kewangan berakhir 31 Mac 2023, dan kami dengan ini mengesahkan bahawa pada pengetahuan kami, setelah melakukan segala pertanyaan yang munasabah, AMANAH SAHAM NASIONAL BERHAD telah melaksana dan mengurus Tabung dalam tempoh penyata kewangan selaras dengan perkara berikut:

1. Had-had kuasa pelaburan yang diberikan kepada syarikat pengurusan mengikut Surat Ikatan, undang-undang sekuriti dan Garis Panduan Dana Unit Amanah;
2. Penilaian dan penentuan harga dibuat selaras dengan Surat Ikatan; dan
3. Sebarang penjadian dan perlucutan unit dilaksanakan adalah selaras dengan Surat Ikatan dan lain-lain peruntukan undang-undang berkaitan.

Kami juga berpendapat bahawa pengagihan pendapatan Tabung adalah sesuai dan selaras dengan objektif pelaburan Tabung.

Untuk **AMANAHRAYA TRUSTEES BERHAD**

ZAINUDIN BIN SUHAIMI

Ketua Pegawai Eksekutif

Kuala Lumpur, Malaysia

10 Mei 2023

6. LAPORAN JURUAUDIT BEBAS KEPADA PEMEGANG-PEMEGANG UNIT ASB 2

Pendapat

Ringkasan penyata kewangan, yang merangkumi penyata untung atau rugi, penyata pendapatan komprehensif dan penyata aliran tunai bagi tahun kewangan berakhir pada 31 Mac 2023, dan nota-nota yang berkaitan, berasal dari penyata kewangan yang diaudit Amanah Saham Bumiputera 2 untuk tahun kewangan berakhir 31 Mac 2023.

Pada pendapat kami, ringkasan penyata kewangan yang disertakan adalah konsisten, dalam semua aspek penting, dengan penyata kewangan yang diaudit, sesuai dengan keperluan pembentangan dan pendedahan seperti yang ditetapkan oleh Suruhanjaya Sekuriti Malaysia ("SC") dan pengecualian yang dikeluarkan oleh SC untuk pendedahan maklumat tertentu menurut Perenggan 12.06 Garis Panduan SC mengenai Dana Unit Amanah di Malaysia.

Ringkasan penyata kewangan

Ringkasan penyata kewangan tidak mengandungi semua pendedahan yang diperlukan oleh Piawaian Pelaporan Kewangan Malaysia seperti yang diubah oleh spesifikasi yang dikeluarkan oleh SC ("Spesifikasi SC") seperti yang dinyatakan dalam Nota 2 pada ringkasan penyata kewangan dan Garis Panduan SC mengenai Dana Unit Amanah di Malaysia. Oleh itu, bacaan ringkasan penyata kewangan dan laporan juruaudit di atasnya bukanlah pengganti untuk penyata kewangan AMANAH SAHAM BUMIPUTERA 2 yang diaudit dan laporan juruaudit di atasnya.

Penyata kewangan yang diaudit dan laporan kami di atasnya

Kami menyatakan pendapat audit yang tidak diubah suai mengenai penyata kewangan yang diaudit dalam laporan kami bertarikh 10 Mei 2023.

Tanggungjawab pengurus untuk ringkasan penyata kewangan

Pengurus bertanggungjawab untuk penyediaan ringkasan penyata kewangan bersesuaian dengan syarat pembentangan dan pendedahan seperti yang ditetapkan oleh Suruhanjaya Sekuriti dan pengecualian yang dikeluarkan oleh SC mengenai pendedahan maklumat tertentu menurut Perenggan 12.06 Garis Panduan SC tentang Dana Unit Amanah di Malaysia.

Tanggungjawab juruaudit

Tanggungjawab kami adalah untuk menyatakan pendapat samaada ringkasan penyata kewangan konsisten, dalam semua aspek penting, dengan penyata kewangan yang diaudit berdasarkan prosedur kami, yang dijalankan sesuai dengan Piawaian Pengauditan yang Disetujui Malaysia (ISA) 810 (Disemak semula), "Penglibatan untuk Melaporkan Ringkasan Penyata Kewangan".

Sekatan penggunaan

Laporan kami mengenai ringkasan penyata kewangan AMANAH SAHAM BUMIPUTERA 2 untuk tahun kewangan berakhir pada 31 Mac 2023 dikeluarkan dengan mematuhi Garis Panduan SC mengenai Dana Unit Amanah di Malaysia dan tanpa tujuan lain.

Ernst & Young PLT

202006000003

(LLP0022760-LCA) & AF 0039

Akauntan Bertauliah

Dato' Megat Iskandar Shah Bin Mohamad Nor

No. 03083/07/2023 J

Akauntan Bertauliah

Kuala Lumpur, Malaysia

10 Mei 2023

7. PENYATA KEWANGAN

7.1 PENYATA UNTUNG ATAU RUGI BAGI TAHUN KEWANGAN BERAKHIR 31 MAC 2023

	Nota	2023 RM	2022 RM
PENDAPATAN			
Pendapatan dari instrumen pasaran wang, sekuriti berpendapatan tetap dan lain-lain pendapatan			
		55,599,616	47,038,784
Pendapatan dari PNB	5	29,500,000	-
Pendapatan dividen		399,969,006	358,702,604
Keuntungan ternyata daripada jualan pelaburan		143,104,068	244,455,013
Keuntungan/(Kerugian) bersih kadar tukaran asing		6,885,789	(4,667,777)
		<u>635,058,479</u>	<u>645,528,624</u>
PERBELANJAAN			
Yuran pengurusan	6	44,067,770	43,052,804
Yuran pemegang amanah	7	900,000	900,000
Ganjaran juruaudit		25,000	25,000
Yuran ejen cukai		4,700	4,700
Perbelanjaan pentadbiran		12,080,104	19,908,239
Rosot nilai dalam pelaburan disebut harga		-	65,971,730
		<u>57,077,574</u>	<u>129,862,473</u>
PENDAPATAN BERSIH SEBELUM CUKAI CUKAI	8	577,980,905	515,666,151
PENDAPATAN BERSIH SELEPAS CUKAI		<u>-</u>	<u>-</u>
		<u>577,980,905</u>	<u>515,666,151</u>
Pengagihan pendapatan	9	<u>610,484,216</u>	<u>506,057,627</u>
Pengagihan kasar dan bersih seunit		<u>5.00 sen</u>	<u>4.30 sen</u>
Tarikh pengagihan		<u>1 April 2023</u>	<u>1 April 2022</u>

Nota-nota lampiran merupakan sebahagian daripada penyata ini.

**7.2 PENYATA PENDAPATAN KOMPREHENSIF
BAGI TAHUN KEWANGAN BERAKHIR 31 MAC 2023**

Nota	2023 RM	2022 RM
PENDAPATAN BERSIH SELEPAS CUKAI	577,980,905	515,666,151
Lain-lain pendapatan komprehensif	<u>-</u>	<u>-</u>
JUMLAH PENDAPATAN KOMPREHENSIF UNTUK TAHUN KEWANGAN	<u>577,980,905</u>	<u>515,666,151</u>
Jumlah pendapatan komprehensif terdiri daripada berikut:		
Ternyata	583,274,303	517,454,812
Tidak ternyata	<u>(5,293,398)</u>	<u>(1,788,661)</u>
	<u>577,980,905</u>	<u>515,666,151</u>

Nota-nota lampiran merupakan sebahagian daripada penyata ini.

**7.3 PENYATA ALIRAN TUNAI
BAGI TAHUN KEWANGAN BERAKHIR 31 MAC 2023**

	2023	2022
	RM	RM
ALIRAN TUNAI DARIPADA AKTIVITI OPERASI DAN PELABURAN		
Perolehan daripada jualan pelaburan	2,545,864,953	5,592,066,759
Pembelian pelaburan	(2,926,727,055)	(5,789,521,438)
Simpanan dalam deposit dan instrumen kewangan	(117,996,960)	(120,682,628)
Pengeluaran dari deposit dan instrumen kewangan	120,682,628	146,972,266
Pendapatan dari instrumen pasaran kewangan, sekuriti berpendapatan tetap dan lain-lain pendapatan	87,214,274	50,383,937
Pendapatan dividen diterima	427,900,416	335,288,537
Pembayaran yuran pengurus	(43,944,771)	(40,520,631)
Pembayaran yuran pemegang amanah	(900,000)	(900,000)
Pembayaran lain-lain perbelanjaan	(12,207,587)	(19,922,929)
Tunai bersih dihasilkan daripada aktiviti operasi dan pelaburan	<u>79,885,898</u>	<u>153,163,873</u>
ALIRAN TUNAI DARIPADA AKTIVITI PEMBIAYAAN		
Tunai diterima daripada penjadian unit	455,415,611	477,000,000
Pengagihan dibayar	(506,057,627)	(482,011,612)
Tunai bersih digunakan dalam aktiviti pembiayaan	<u>(50,642,016)</u>	<u>(5,011,612)</u>
PENINGKATAN BERSIH DALAM TUNAI DAN PERSAMAAN TUNAI		
	29,243,882	148,152,261
PERBEZAAN PERTUKARAN MATAWANG ASING	6,885,790	(4,667,778)
TUNAI DAN PERSAMAAN TUNAI PADA AWAL TAHUN	<u>856,004,555</u>	<u>712,520,072</u>
TUNAI DAN PERSAMAAN TUNAI PADA AKHIR TAHUN	<u>892,134,227</u>	<u>856,004,555</u>
TUNAI DAN PERSAMAAN TUNAI TERDIRI DARIPADA:		
Tunai di bank	250,364,776	163,077,835
Deposit dengan institusi kewangan	759,766,411	813,609,348
	1,010,131,187	976,687,183
Deposit dengan institusi kewangan dengan tempoh matang lebih dari 3 bulan	(117,996,960)	(120,682,628)
	<u>892,134,227</u>	<u>856,004,555</u>

Nota-nota lampiran merupakan sebahagian daripada penyata ini.

7.4 NOTA-NOTA BERKENAAN PENYATA KEWANGAN – 31 MAC 2023

1. UNIT AMANAH, PENGURUS DAN KEGIATAN-KEGIATAN UTAMA

AMANAH SAHAM BUMIPUTERA 2 (berikutnya dirujuk sebagai "Unit Amanah") ditubuhkan selaras dengan pelaksanaan Surat Iktan bertarikh 26 Mac 2014, di antara Pengurus, Amanah Saham Nasional Berhad ("ASNB"), Pemegang Amanah, AmanahRaya Trustees Berhad dan Pemegang Unit Berdaftar Unit Amanah.

Kegiatan utama Unit Amanah ialah melabur dalam "Pelaburan Dibenarkan" seperti yang didefinisikan di bawah Klausula 7.1 Surat Iktan. "Pelaburan Dibenarkan" termasuk pelaburan jangka pendek dan ekuiti, saham atau debentur syarikat yang disenaraikan di mana-mana bursa saham atau mana-mana syarikat yang disyorkan oleh Pengurus dan dipersetujui oleh Pemegang Amanah. Unit Amanah ini mula beroperasi pada 2 April 2014 dan akan meneruskan operasinya sehingga ditamatkan oleh Pemegang Amanah seperti yang diperuntukkan di bawah Klausula 12 Surat Iktan.

ASNB adalah sebuah syarikat yang diperbadankan di Malaysia dan dimiliki sepenuhnya oleh Permodalan Nasional Berhad ("PNB"). Kegiatan utama ASNB ialah mengurus unit amanah.

PNB ialah sebuah syarikat yang diperbadankan di Malaysia. Kegiatan utama Syarikat ialah membeli dan memegang saham untuk meningkatkan hakmilik pegangan modal saham oleh masyarakat Bumiputera di dalam sektor korporat di Malaysia. PNB telah dilantik sebagai Pengurus Pelaburan bagi Unit Amanah pada 9 Disember 2013.

Penyata kewangan ini telah diluluskan oleh Lembaga Pengarah ASNB untuk diterbitkan menurut resolusi para Pengarah pada 10 Mei 2023.

2. ASAS PENYEDIAAN

Penyata kewangan ini telah disediakan mengikut rangka kerja Perangkaan Piawaian Laporan Kewangan Malaysia ("MFRS") yang diubahsuai mengikut spesifikasi yang ditetapkan oleh Suruhanjaya Sekuriti Malaysia ("SC") dan Garispanduan Tabung Amanah Suruhanjaya Sekuriti di Malaysia.

Suruhanjaya Sekuriti Malaysia telah mengeluarkan spesifikasi khusus di mana Permodalan Nasional Berhad ("PNB") dan unit amanah berharga tetap yang diuruskan oleh PNB dikecualikan daripada tetapi dibenarkan untuk menggunakan MFRS 9 Financial Instruments: Recognition and Measurement ("MFRS 9") dan MFRS 7 Financial Instruments: Disclosures ("MFRS 7"). Berdasarkan spesifikasi diberikan, Unit Amanah telah memilih untuk tidak menggunakan MFRS 9 dalam perakaunan bagi instrumen kewangan dan MFRS 7 bagi tujuan pendedahan yang berkaitan dengan instrumen kewangan. Dasar Unit Amanah bagi perakaunan bagi instrumen kewangan dinyatakan dalam Nota 3 (a).

Penyata kewangan ini telah disediakan mengikut piawaian kos sejarah.

(a) Perubahan dalam polisi perakaunan

MFRS yang baru dan disemak semula yang tertakluk kepada syarikat dengan tahun kewangan bermula pada atau selepas 1 April 2022 tidak memberi kesan signifikan kepada penyata kewangan Unit Amanah.

(b) Piawaian yang diterbitkan tetapi belum berkuatkuasa

Piawaian, Pindaan dan Tafsiran Jawatankuasa Isu-isu ("IC") yang telah diterbitkan oleh Malaysian Accounting Standards Board ("MASB") tetapi belum berkuatkuasa pada tarikh kelulusan penyata kewangan ini adalah tidak berkaitan dengan Unit Amanah.

3. RUMUSAN DASAR-DASAR PERAKAUNAN PENTING

(a) Instrumen kewangan

Aset dan liabiliti kewangan di dalam penyata kedudukan kewangan, merangkumi sekuriti berpendapatan tetap dan sekuriti hutang tidak disebut harga, sekuriti modal bercantum, skim pelaburan kolektif tidak disenaraikan, saham disebut harga, instrumen pasaran kewangan, simpanan dengan institusi kewangan, penghutang dan pemiutang. Dasar-dasar perakaunan atas pengiktirafan dan ukuran bagi perkara-perkara tersebut dinyatakan dalam dasar perakaunan masing-masing.

Instrumen kewangan diklasifikasikan sebagai aset atau liabiliti berdasarkan butiran perjanjian kontrak. Faedah, manfaat, dividen, keuntungan dan kerugian berkaitan instrumen kewangan yang diklasifikasikan sebagai aset, dilaporkan sebagai pendapatan.

(b) Pelaburan

(i) Sekuriti Berpendapatan Tetap dan Sekuriti Hutang Tidak Disebut Harga

Pelaburan dalam sekuriti berpendapatan tetap dan sekuriti hutang tidak disebut harga adalah sekuriti yang dibeli dan dipegang untuk pendapatan atau peningkatan nilai dan kebiasaannya dipegang hingga tarikh matang. Pelaburan ini dinyatakan pada kos dan di mana berkenaan, diselaraskan untuk pelunasan premium atau akreasi diskaun, yang dikira daripada tarikh pembelian hingga tarikh matang. Peruntukan rosot nilai yang kekal akan diiktirafkan di dalam Penyata Untung atau Rugi.

(ii) Saham Disebut Harga, Saham Pinjaman/Waran, Pelaburan Amanah Hartanah ("REITs") dan Skim Pelaburan Kolektif Tidak Disebut Harga

Pelaburan dalam saham disebut harga, saham pinjaman/waran, REITs dan skim pelaburan kolektif tidak disenaraikan dinyatakan pada kos tolak peruntukan rosot nilai yang kekal. Kos ditentukan berdasarkan asas purata wajaran. Peruntukan rosot nilai yang kekal akan diiktirafkan di dalam Penyata Untung atau Rugi.

Termasuk dalam pelaburan disebut harga dan tidak disebut harga adalah syarikat-syarikat di mana Unit Amanah memegang lebih dari 20% tetapi tidak melebihi 50% kepentingan ekuiti. Unit Amanah tidak mempunyai pengaruh yang signifikan terhadap syarikat pelaburannya kerana Unit Amanah tidak (i) mempunyai perwakilan dalam lembaga pengarah entiti ini; dan (ii) mengambil bahagian dalam proses pembuatan dasar mereka. Sebagai tambahan, Unit Amanah tidak terlibat dalam pembuatan keputusan untuk tujuan menggunakan hak suara dalam mesyuarat agung entiti-entiti ini.

(iii) Deposit dengan Institusi Kewangan

Deposit dengan institusi kewangan adalah dinyatakan pada kos

(c) Jumlah Terhutang daripada/(kepada) Broker Saham

Jumlah terhutang daripada/(kepada) broker saham dibawa pada nilai kontrak

(d) Pendapatan Belum Terima

Pendapatan belum terima dinyatakan pada nilai saksama yang boleh diperolehi.

(e) Pelbagai pemiutang

Pelbagai pemiutang dinyatakan pada nilai kos iaitu nilai saksama yang akan dibayar di masa hadapan untuk pembelian dan perkhidmatan yang diterima.

(f) Pengiktirafan pendapatan

Pendapatan dividen kasar daripada pelaburan disebut harga dan sekiranya pelaburan kolektif tidak tersenarai diambil kira mengikut asas pengisytiharan, apabila hak untuk menerima dividen telah dipastikan.

Keuntungan/pendapatan daripada instrumen pasaran kewangan, simpanan dengan institusi kewangan diambil kira mengikut asas akrual menggunakan kaedah kadar faedah keuntungan efektif.

Keuntungan daripada penjualan pelaburan ialah perbezaan di antara nilai bersih dan nilai bawaan pelaburan.

(g) Mata wang asing

Mata wang fungsian dan pelaporan

Perkara berkaitan mata wang asing yang terkandung di dalam penyata kewangan Unit Amanah adalah diukur dengan menggunakan mata wang persekitaran ekonomi utama di mana Unit Amanah beroperasi ("mata wang fungsian"). Disebabkan itu, penyata kewangan Unit Amanah disediakan dalam RM iaitu mata wang fungsian dan presentasi Unit Amanah.

Pengurus telah membuat pertimbangan yang teliti bagi menentukan mata wang fungsian yang menggambarkan kesan ekonomi sewajarnya terhadap transaksi asas berdasarkan keadaan dan peristiwa, telah menentukan RM sebagai mata wang fungsian terutamanya disebabkan oleh faktor-faktor berikut:

- (i) Unit-unit bagi Unit Amanah didenominasi dalam RM
- (ii) Sebahagian besar perbelanjaan Unit Amanah didenominasi dalam RM
- (iii) Sebahagian besar NAB Unit Amanah dilaburkan di dalam pelaburan yang didenominasi dalam RM

Transaksi dan imbangan

Transaksi mata wang asing ditukarkan kepada mata wang fungsian dengan menggunakan kadar tukaran semasa pada tarikh transaksi atau valuasi di mana urusniaga akan dinilai semula. Keuntungan dan kerugian tukaran asing terhasil dari penyelesaian sesuatu transaksi dan dari perubahan kadar tukaran bagi aset dan liabiliti kewangan pada akhir tahun diiktiraf di dalam Penyata Pendapatan Penyata Untung atau Rugi.

Transaksi bukan kewangan pada nilai saksama yang didenominasikan dalam mata wang asing ditukarkan pada kadar semasa pada tarikh nilai saksama ditentukan. Transaksi bukan kewangan yang diukur dari segi kos sejarah dalam mata asing tidak ditukarkan. Perbezaan tukaran yang timbul daripada penukaran transaksi bukan kewangan pada nilai saksama dimasukkan ke dalam keuntungan atau kerugian bagi tempoh tersebut kecuali perbezaan yang timbul daripada penukaran transaksi bukan kewangan yang mana keuntungan dan kerugian diiktiraf secara langsung dalam ekuiti. Perbezaan pertukaran yang timbul daripada transaksi bukan kewangan juga diiktiraf secara langsung dalam ekuiti.

(h) Tunai dan persamaan tunai

Bagi tujuan Penyata Aliran Tunai, tunai dan persamaan tunai terdiri daripada tunai di bank, simpanan dalam panggilan dan simpanan jangka pendek berkecairan tinggi di mana risiko dalam perubahan nilai adalah tidak ketara.

4. ANGGARAN DAN PENILAIAN PERAKAUNAN PENTING

(a) Penilaian Kritikal Dibuat dalam Mengaplikasi Polisi Perakaunan

Penilaian dibuat oleh Pengurus Pelaburan dalam proses mengaplikasi polisi perakaunan Unit amanah berkaitan pelaburan adalah seperti berikut:

- (i) Pengurus Pelaburan mengenalpasti sama ada pelaburan-pelaburannya adalah dirosot nilai mengikut beberapa indikasi-indikasi rosot nilai seperti, antara lain, kekurangan yang berpanjangan diantara harga pasaran dan jumlah yang dibawa, perubahan yang penting dengan kesan-kesan negatif terhadap pelaburan dan persembahan kewangan pelaburan merosot.
- (ii) Bergantung kepada asas dan industri yang berkaitan dengan pelaburan tersebut, penilaian dibuat oleh Pengurus Pelaburan untuk memilih cara-cara penilaian yang sesuai seperti, antara lain, aliran tunai yang didiskaunkan, aset nyata bersih, nilai aset ternyata bersih dan cara-cara purata nisbah harga pendapat sektor.

(b) Sumber Utama Ketidakpastian Anggaran

Setelah cara penilaian yang sesuai dipilih, Pengurus Pelaburan membuat beberapa andaian berkenaan masa depan bagi menganggar jumlah pelaburan yang boleh dituntut. Andaian ini dan sumber utama ketidakpastian anggaran yang lain pada tarikh penyata aset dan liabiliti, mungkin mengandungi risiko penting yang mengakibatkan perubahan yang material terhadap jumlah pelaburan yang dibawa ke tahun kewangan seterusnya, bergantung kepada pelaburan-pelaburan tertentu, andaian yang dibuat oleh Pengurus Pelaburan termasuk, antara lain, andaian terhadap aliran tunai masa hadapan yang dijangka, pertumbuhan pendapatan, kadar diskaun yang digunakan bagi tujuan aliran tunai yang didiskaunkan yang mana melibatkan risiko-risiko yang relevan, dan keputusan masa hadapan yang dijangka terhadap beberapa peristiwa lepas.

Sensitiviti terhadap perubahan dalam andaian

Pengurus Pelaburan percaya bahawa tiada kemungkinan perubahan dalam kunci andaian yang disebutkan di atas yang mana boleh menyebabkan jumlah pelaburan yang di bawa secara materialnya melebihi jumlah yang boleh dituntut.

(c) Penilaian Rosot Nilai

Penilaian rosot nilai pelaburan-pelaburan yang terlibat dengan indikasi-indikasi rosot telah dilaksanakan oleh Pengurus Pelaburan. Pada tahun semasa pengiktirafan rosot nilai pelaburan adalah sebanyak RM65,971,730 (2022: RM65,971,730).

5. PENDAPATAN DARIPADA PNB

Dalam tahun semasa, PNB telah memberikan beberapa pelaburan di dalam ekuiti disebut harga pengurusan di Malaysia sebanyak RM29,500,000 (2022: Nil) sebagai sebahagian daripada rancangan penstrukturan semula portfolio pelaburan Unit Amanah.

6. YURAN PENGURUS

Klausula 13.1 dan Jadual ke Lapan Surat Ikatan memperuntukkan bahawa Pengurus berhak menerima yuran tidak melebihi 1.5% setahun daripada Nilai Aset Bersih pada kos ("VOF") boleh agih kepada pemegang-pemegang Unit Amanah, dikira dan diakru secara harian seperti yang dipersetujui oleh Pengurus dan Pemegang Amanah. Pada tahun kewangan berakhir 31 Mac 2022, tiada pengecualian yuran pengurusan. (2021: RM27.86 juta).

Yuran pengurusan yang dikenakan bagi tahun kewangan berakhir 31 Mac 2023 ialah 0.35% (2022: 0.12%) setahun daripada VOF Unit Amanah.

7. YURAN PEMEGANG AMANAH

Klausa 13.2 dan Jadual ke Sembilan Surat Ikatan memperuntukkan bahawa Pemegang Amanah berhak menerima yuran sehingga 0.08% daripada Nilai Aset Bersih pada kos ("VOF") boleh agih kepada pemegang-pemegang Unit Amanah, tertakluk kepada minimum RM18,000 setahun.

Yuran Pemegang Amanah yang dikenakan bagi tahun berakhir 31 Mac 2023 ditetapkan pada RM900,000 (2022: RM900,000).

8. CUKAI

Unit Amanah telah diberikan pengecualian daripada cukai pendapatan oleh Menteri Kewangan mengikut bidangkuasa yang diberikan kepadanya di bawah Seksyen 127(3A) Akta Cukai Pendapatan, 1967, sehingga tahun taksiran 2028.

Disebabkan oleh pengecualian daripada cukai, potongan cukai di sumber bagi pendapatan dividen yang diperolehi daripada REITs akan dibayar semula oleh Lembaga Hasil Dalam Negeri.

9. PERUNTUKAN PEGAGIHAN

	2023	2022
	RM	RM
Peruntukan pengagihan	<u>610,484,216</u>	<u>506,057,627</u>

Peruntukan tersebut merupakan pengagihan yang disyorkan pada tahun berakhir 31 Mac 2023 sebanyak 5.00 sen (2022: 4.30 sen) seunit yang akan diagihkan kepada pemegang-pemegang unit. Pengagihan ini dikira berasaskan purata baki minima bulanan yang dipegang oleh pemegang-pemegang unit sepanjang tempoh 12 bulan sehingga akhir tahun kewangan.

Sumber pengagihan

Pengagihan kepada pemegang-pemegang unit adalah daripada sumber-sumber berikut:

	2023	2022
	RM	RM
Pendapatan dari instrumen, pasaran wang sekuriti berpendapatan tetap dan lain-lain pendapatan	55,599,616	47,038,784
Pendapatan dari PNB	29,500,000	-
Pendapatan dividen	399,969,006	358,702,604
Keuntungan ternyata daripada jualan pelaburan	170,313,981	233,057,828
Keuntungan/(Kerugian) bersih ternyata kadar tukaran asing	-	-
	<u>12,179,187</u>	<u>(2,879,116)</u>
	667,561,790	635,920,100
Tolak: Perbelanjaan	<u>(57,077,574)</u>	<u>(129,862,473)</u>
Jumlah pengagihan	<u>610,484,216</u>	<u>506,057,627</u>
Pengagihan kasar dan bersih seunit	5.00 sen	4.30 sen

10. MODAL PEMEGANG UNIT

	2023		2022	
	Unit	RM	Unit	RM
Unit RM1 setiap satu dibayar penuh:				
Pada awal tahun	11,964,682,000	11,964,682,000	11,487,682,000	11,487,682,000
Penjadian unit				
untuk jualan	348,015,611	348,015,611	60,000,000	60,000,000
untuk pengagihan	498,900,000	498,900,000	417,000,000	417,000,000
	<u>(391,500,000)</u>	<u>(391,500,000)</u>		
Pada akhir tahun	<u>12,811,597,611</u>	<u>12,811,597,611</u>	<u>11,964,682,000</u>	<u>11,964,682,000</u>

11. UNIT DIPEGANG OLEH PENGURUS DAN PNB

Sepanjang tahun berakhir 31 Mac 2023, Pengurus tidak memegang sebarang unit di dalam Unit Amanah. Pada 31 Mac 2023, PNB secara sah memegang 98,022,611 unit (2022: 168,730,120) unit, merangkumi 0.79% (2022: 1.41%) daripada jumlah unit yang telah diterbitkan.

12. URUS NIAGA DENGAN SYARIKAT-SYARIKAT BROKER SAHAM/ BROKER/ DEALER/ INSTITUSI KEWANGAN

Sepuluh syarikat broker saham/broker/dealer/institusi kewangan terbesar mengikut nilai urus niaga ialah seperti berikut:

Syarikat Broker	Nilai Urus Niaga		Yuran Broker	
	RM	%	RM	%
Standard Chartered Bank Malaysia Bhd				
Citigroup Global Markets Malaysia Sdn. Bhd	158,620,829	9.14	-	-
Maybank Berhad*	143,324,465	8.26	198,394	14.45
Macquarie Capital Securities (Malaysia) Sdn Bhd	100,137,510	5.77	-	-
Affin Hwang Investment Bank Berhad**	97,599,750	5.62	131,362	9.57
Nomura Securities Malaysia Sdn Bhd	97,240,835	5.60	91,684	6.68
CIMB Bank Berhad*	92,332,861	5.32	133,067	9.69
Credit Suisse Securities (Malaysia) Sdn. Bhd.	91,820,189	5.29	-	-
JPMorgan Securities (Malaysia) Sdn Bhd	83,015,339	4.78	110,571	8.05
Maybank Investment Bank Berhad**	74,547,171	4.29	76,455	5.57
Lain-lain	73,278,555	4.22	89,313	6.51
	723,980,179	41.71	542,035	39.48
	1,735,897,683	100.00	1,372,881	100.00

ASNB tidak mempunyai pegangan ekuiti secara langsung di dalam syarikat-syarikat broker saham tersebut.

* PNB dan/atau tabung unit amanah di bawah pengurusan ASNB mempunyai pegangan ekuiti secara langsung di dalam syarikat-syarikat broker berkenaan.

** PNB dan/atau tabung unit amanah di bawah pengurusan ASNB mempunyai pegangan ekuiti secara langsung di dalam syarikat induk terakhir bagi syarikat-syarikat berkenaan.

Segala urusan dengan syarikat-syarikat telah dilaksanakan menurut perjalanan biasa berdasarkan syarat-syarat di dalam industri.

13. PUSING GANTI PORTFOLIO

	2023	2022
Pusing Ganti Portfolio ("PGP")	0.23 kali	0.48 kali

PGP dikira berdasarkan kepada nisbah purata di antara jumlah kos pembelian dan penjualan pelaburan untuk tahun kewangan, dengan purata nilai NAB pada kos Unit Amanah untuk tahun kewangan dikira berpandukan asas harian.

Purata nilai NAB pada kos Unit Amanah untuk tahun kewangan telah dikira pada kos kerana harga belian dan jualan telah ditetapkan pada RM1.00 seunit. Oleh kerana purata nilai Unit Amanah dikira berasaskan kos, perbandingan PGP Unit Amanah dengan unit amanah lain yang menggunakan asas yang berlainan tidak akan memberi perbandingan yang tepat.

14. NISBAH PERBELANJAAN PENGURUSAN

	2023	2022
Nisbah Perbelanjaan Pengurusan ("NPP")	0.48%	0.54%

NPP dikira berdasarkan nisbah di antara jumlah bayaran pengurusan dan perbelanjaan Unit Amanah yang dikembalikan dengan purata nilai NAB pada kos Unit Amanah untuk tahun kewangan dikira berpandukan asas harian.

Purata nilai NAB pada kos Unit Amanah untuk tahun kewangan telah dikira pada kos kerana harga belian dan harga jualan telah ditetapkan pada RM1.00 seunit. Oleh kerana purata nilai Unit Amanah dikira berasaskan kos, perbandingan NPP Unit Amanah dengan unit amanah lain yang menggunakan asas yang berlainan tidak akan memberi perbandingan yang tepat.

15. OBJEKTIF DAN POLISI PENGURUSAN RISIKO KEWANGAN

Pendedahan kepada risiko ekuiti/pelaburan, risiko pasaran, kecairan/pembiayaan dana, kadar faedah dan kredit, timbul dalam perjalanan biasa urusan Unit Amanah. Unit Amanah mempunyai garis panduan dan polisi pelaburan yang diluluskan berserta kawalan dalaman yang menentukan strategi perniagaan keseluruhan bagi mengurus risiko-risiko ini bagi memaksimumkan pulangan dan mengekalkan modal pemegang unit, selari dengan objektif jangka panjang Unit Amanah.

Risiko Ekuiti/Pelaburan

Risiko ekuiti adalah pendedahan kepada perubahan nilai saham ekuiti atau aliran pendapatan yang datangnya daripada pemilikan ekuiti di dalam sebuah entiti yang diperbadankan.

Risiko pelaburan adalah risiko daripada pelaburan yang tidak dapat menyediakan kadar pulangan yang setara dengan tahap risikonya.

Pengurusan risiko ekuiti/pelaburan termasuk penelitian di dalam penapisan cadangan pelaburan menurut garis panduan dan prosedur pelaburan, komunikasi yang berterusan dan pengawasan prestasi syarikat-syarikat yang dilabur yang teliti.

Risiko Pasaran

Pendedahan kepada risiko pasaran terhasil dari perjalanan biasa pemiagaan Unit Amanah akibat ketidakpastian dalam harga pasaran instrumen kewangan yang dilaburkan.

Unit Amanah menguruskan risiko pasaran secara aktif melalui garis panduan dan polisi pelaburan yang disediakan dan juga strategi pengagihan portfolio aset dan pelbagaian. Unit Amanah tidak mengambil bahagian dalam sebarang aktiviti-aktiviti spekulatif.

Risiko Kecairan/Pembiayaan Dana

Risiko kecairan atau pembiayaan dana adalah risiko apabila Unit Amanah tidak mampu untuk memenuhi komitmen kewangan apabila ia perlu dijelaskan.

Unit Amanah menguruskan aliran tunai operasi bagi memastikan kesemua keperluan dananya dipenuhi. Sebahagian daripada kaedah pengurusan dananya, Unit Amanah mengekalkan tahap tunai dan pelaburan yang boleh ditukar kepada tunai yang mencukupi bagi memenuhi keperluan modal kerjanya.

Risiko Kadar Keuntungan

Risiko kadar keuntungan adalah risiko nilai instrumen kewangan Unit Amanah yang sensitif terhadap kadar faedah yang berubah-ubah disebabkan oleh perubahan dalam kadar faedah pasaran.

Unit Amanah menguruskan risiko kadar keuntungan secara aktif dengan mengekalkan portfolio instrumen kewangan berdasarkan garis panduan dan polisi pelaburan, dan semakan yang kerap ke atas kadar faedah dan jangkaan pasaran.

Risiko Kredit

Risiko kredit ialah risiko di mana kegagalan dari pihak yang berurusan untuk menunaikan kewajipan perdagangan yang muncul daripada perantara-perantara seperti broker saham dan institusi-institusi kewangan.

Unit Amanah menguruskan risiko kreditnya dengan penetapan polisi dan garis panduan bagi pelaburan dan had pendedahan pihak lain bagi mengurangkan konsentrasi risiko tersebut. Penilaian kredit dari semasa ke semasa dijalankan ke atas pihak-pihak tersebut.

16. LAPORAN BERSEGMENT

Unit Amanah diuruskan secara satu bahagian iaitu pelaburan di dalam pelbagai instrumen kewangan. Aktiviti-aktiviti Unit Amanah adalah berhubung-kait dan setiap aktiviti adalah berkaitan dengan satu sama lain. Justeru, semua keputusan penting operasi adalah berdasarkan satu strategi pelaburan yang diintegrasikan dan prestasi Unit Amanah dinilai secara keseluruhan.

17. MATA WANG

Semua jumlah dinyatakan dalam Ringgit Malaysia ("RM") .

8. ALAMAT CAWANGAN ASNB

WILAYAH PERSEKUTUAN	
Kaunter Utama ASNB Tingkat 1, Balai PNB, 201-A, Jalan Tun Razak, 50400 Kuala Lumpur , Wilayah Persekutuan Kuala Lumpur	Lot 27, Kompleks Perbadanan Putrajaya, Presint 3, Persiaran Perdana, 62675 Putrajaya , Wilayah Persekutuan Putrajaya
SELANGOR	
Lot 18-1 & 18-2, Pusat Dagangan UMNO Shah Alam, Persiaran Damai Seksyen 11, 40000 Shah Alam , Selangor	No.7 Jalan Medan Niaga 2, Medan Niaga Kuala Selangor, 45000 Kuala Selangor , Selangor
MELAKA	NEGERI SEMBILAN
No. 11 & 13, Kompleks Perniagaan Al Azim, Jalan KPAA 1, Bukit Baru , 75150 Melaka	No. 120 & 121, Jalan Dato' Bandar Tunggal, 70000 Seremban , Negeri Sembilan
PERAK	
No. 8 & 8A, Persiaran Greentown 1, Greentown Business Centre, 30450 Ipoh , Perak	No. 273, Jalan Intan 12, Bandar Baru Teluk Intan, 36000 Teluk Intan , Perak
PAHANG	
No. 71 & 73, Tingkat Bawah , Jalan Tun Ismail, 25000 Kuantan , Pahang	No.8, Jalan Ahmad Shah, Bandar Seri Semantan, 28000 Temerloh , Pahang
PULAU PINANG	
A-12A-1 dan A-12A-2 Lorong Bayan Indah 4, Bay Avenue, 11900 Bayan Lepas , Pulau Pinang	No. 12, Jalan Todak 3, Pusat Bandar Seberang Jaya, 13700 Seberang Jaya , Pulau Pinang
PERLIS	
Lot 7, Jalan Indera Kayangan, 01000 Kangar , Perlis	No. 15, Jalan Batas Baru, 20300 Kuala Terengganu , Terengganu <i>Ahad - Khamis 8:15am - 4:00pm (Kecuali Cuti Umum)</i>
KELANTAN	
Lot 1182 & 1183, Jalan Kebun Sultan, 15350 Kota Bharu , Kelantan <i>Ahad - Khamis 8:15am - 4:00pm (Kecuali Cuti Umum)</i>	No. 52, 52A & 52B, Jalan Pasir Puteh Sentral 2/5, 16800 Pasir Puteh , Kelantan <i>Ahad - Khamis 8:15am - 4:00pm (Kecuali Cuti Umum)</i>
KEDAH	
27, Kompleks Shahab Perdana, Jalan Sultanah Sambungan, 05250 Alor Setar , Kedah	No.51 & 53, Jalan Perdana Heights 2/2, Perdana Heights, 08000 Sungai Petani , Kedah

JOHOR	
No. 9 & 9A dan No. 10 & 10A, Jalan Abdul Rahman, Bandar Penggaram 83000 Batu Pahat Johor	Lot No 12 & 14, Jalan Padi Emas 1/2, Uda Business Centre 81200 Johor Bahru Johor
No.6 dan 7, Jalan Muhibbah, Taman Muhibbah, 85000 Segamat , Johor	
SABAH	
Tingkat Bawah dan Satu, No. A-G-18 & A-1-18, Blok A, Sutera Avenue, Jalan Coastal 88100 Kota Kinabalu , Sabah	TB 4287 & TB 4280 Tingkat Bawah & 1 Town Ext II Jalan Masjid, Kompleks Fajar Tawau 91000 Tawau , Sabah
Tingkat Bawah, Lot 1, Circular Blok A Harbour Town, Jalan Pantai, 91100 Lahad Datu , Sabah	Lot 8 & 9, Blok B, Pusat Komersil Datun, Jalan Masak, 89008 Keningau , Sabah
Lot 15, Tingkat Bawah, Bandar Pasaraya, Fasa I, 90000 Sandakan , Sabah	
SARAWAK	
Tingkat Bawah, Lot 499, Al-Idrus Commercial Centre, Seksyen 6, Jalan Kulas, 93400 Kuching , Sarawak	Lot 1959, Tingkat Bawah Lot 1960 & 1961, Marina Square Phase 2, Marina Park City, 98000 Miri , Sarawak
Sublot 2 & 3, Lot 4496, Junction 28, Jalan Keppel, 97000 Bintulu , Sarawak	Lot 1457 & 1458 Sg. Kudang Shophouse Ground Floor, Jalan Buangsiol 98700 Limbang , Sarawak
4C, Ground Floor Lot 832 Jalan Sabu 95000 Sri Aman , Sarawak	Lot 1007 & 1008 Jalan Kampung Nyabor 96000 Sibu , Sarawak

MUKA SURAT INI SENGAJA DIKOSONGKAN

PENGURUS

AMANAH SAHAM NASIONAL BERHAD 197901003200 (47457-V)

Anak syarikat milik penuh:

PERMODALAN NASIONAL BERHAD 197801001190 (38218-X)

PEJABAT BERDAFTAR

Tingkat 4, Balai PNB
201-A, Jalan Tun Razak
50400 Kuala Lumpur

PUSAT KHIDMAT PELANGGAN ASNB

03-7730 8899

EMEL

asnbcare@pnb.com.my

LAMAN WEB

www.asnb.com.my

PORTAL

www.myasnb.com.my

MyASNB App

PEMEGANG AMANAH

AmanahRaya Trustees Berhad
200701008892 (766894-T)

PEJABAT BERDAFTAR

Tingkat 11, Wisma AmanahRaya
No. 2, Jalan Ampang, 50508 Kuala Lumpur

Telefon: 03-2036 5129/5003

Faks: 03-2072 0320

Emel: art@arb.com.my

LAMAN WEB

www.artrustees.my